



UPA 15/80
Nuuk 19. marts 2015
Aqqaluaq B. Egede

Uunga siunnersuut: Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allangortinneqarneranik Inatsisartut inatsisaat nr. xx, xx. xx 2015-imeersoq. (Umiarsuarni takornarianik angallassisuni ilaasut akileraarutaannik aamma ilaasunik nalinginnaasunik takornarianillu angallassinermi ilaasut akileraarutaannik atorunnaarsitsineq)
(Aningaasaqarnermut Aatsitassanullu Naalakkersuisoq)

Inuit Ataqatigiit-niit siunnersuut taamatut isikkoqartillugu akuersaarsinnaangilarput, taamaattorli allanguutissatut siunnersuusiorsinnaaneq periarfissikkusullugu suliaasaq ataatsimiititaliamut ingerlatipparput.

Akitsuitit pineqartut annertuumik appartinniarneqarnerat isumaqatiginngilarput, siunnersuutigerusulluguli appaatissaraluaasa ilaat timmisartuni ilaasunut akitsuummumut apparsaataasinnaanera ataatsimiititaliami misissorneqassasoq.

Taamatut aamma oqariartuuteqarpugut Aningaasaqarnermut Naalakkersuisumut allagaqarnitsinni aningaasanut inatsisissamut isumaqatigiinniarnernut atatillugu.
“Siullermeerinninnermi oqaatigisatta saniatigut kissaatigaarput takornarissanik umiarsuarnik angallassinermut akitsuut appartinneqartussa q siunnersuutaasutut appartiginagu saniatigut timmisartuussinermi aallarnissamut minnissamullu akitsuutit appartinneqassasut kiisalu 1,6 mio.kr.-it eqqumiitsuliornermut misigisassarsiortarnermullu tapiissutit Visit Greenland-mut atortussat attanneqassasut.”

Inuit Ataqatigiit-nit uani siunnersuutigit akileraartarnermut ataatsimiititaliamit suliarineqassasut kaammattuutigaarput, taamaattumillu siunnersuutip aappassaaneerreqannginnerani akileraartarnermut ataatsimiititaliamut ingerlatinneqassasoq innersuussutigaarput.